

錢塘縣志卷之二十五

錢塘縣知縣南樂魏頌纂

人物 隱逸

唐虞之世有巢由而未嘗損堯舜之德建武之際有嚴光而適以成光武之高非有特立獨行之操曷以式頑立懦乎軒冕可榮而安於卜筮廟堂為貴而樂在槃阿彼夫具經世之畧而不為世用者非矯也蓋將以吾之可而易彼之不可固與經世之人材共持世運者爾志隱逸

錢塘縣誌

卷之二十五

人物 隱逸

漢

姚俊

字翁仲少為郡佐負笈至太學受業明經術災異具晚為交陞太守漢末棄官入增城山中學道師事郭東延教俊九精煉氣輔星存心之術羅浮志云在東華宮中為北河司命

陸瑋

字文該後漢時納祿隱居於靈隱山

吳

范元琰

字伯圭少通經史兼精佛義居家不出城市雖獨居如對賓客見者莫不改容憚之他家徒四壁惟以園蔬為業縣令上言義行揚州刺史臨川王宏辟命不至卒於家黃壽丘負士贊云吳有元琰敏求慧性既涉九經復昭三乘寂矣厭紛儼乎居敬藝蔬足老終違辟命

六朝

褚伯玉

字元璩雅有隱操居剡瀑布山下三十餘年徵聘皆不就王僧達為吳郡致禮聘之停車信宿

交數言而去寧朔將軍丘珍孫與僧達書曰褚先生滅景雲樓不事王侯自非折節好賢何以致之昔文舉樓冶城安道入昌門于茲三焉却粒餐霞之士不宜久羈望其返策之日暫紆清塵亦願助為譬說僧達答曰褚先生從白雲遊魯矣古之逸人或留慮兒女或使華陰成市而此子索然惟朋松石介於孤峯絕頂者積數十載近故要其來此與慰日夜比談討芝桂借訪薜蘿若已窺烟液臨滄洲矣君欲見之極當申譬齊高帝卽位詔吳會二郡以禮迎遣固辭勅於剡白石山立太平館居之年八十六卒

杜京產

字景齊文學隱操為世所重徵召不起于栖自有傳

唐

顧非熊

况子性穎敏一覽成誦好辨說氣焰凌轢為衆所抑久不第而名存朝野長慶中放榜非熊復

錢塘縣誌

卷之二十五

人物 隱逸

二

下第穆宗怪之詔有司進所試追榜勅賜及第大中間歷肝胎尉慕父風棄官隱茅山

宋

林逋

字君復祖克已仕錢氏為通儒院學士逋少孤刻志為學景德中放浪江淮歸結廬於西湖之孤山

真宗聞其名賜號和靖處士詔長吏歲時勞問逋居西湖二十年未嘗入城市將終有詩云湖上青山對結廬墳前脩竹亦蕭疎茂林他日求遺稿猶喜曾無封禪書卒年六十一初逋客臨江李諡始舉進士逋謂其有公輔之器逋卒而諡守杭為服總與其門人哭而葬之仁宗賜諡和靖先生仍賜其家米五十石帛五十疋逋不娶無子教兄子宥登進士第諸孫大年始集其詩行於世

王褒

字天誘政和中郡守監司表薦賜號悟解處士視朝請大夫俸給

施德操

楊旒 德操字彥執楊旒字子平德操學有本末喜辨釋氏旒安貧樂道不安取與尤

嚴謹獨之操二人身塞而譽不宏里人嚮慕號德操
為持正先生號為謚獨先生與張九成合祠刑部侍
郎程大昌作三
先生祠堂記

徐立之 舊名炳學老子法隱於杭
峯人呼迴峯先生迴峯今雷峯也

徐爽 徽宗朝賜號冲晦先生故廬在
城中吳山下又嘗居萬松嶺

吳師仁 陳襄為郡守薦師仁於朝充教授履行醇正器
識高遠應舉不第退居田里甘貧守道專治誠

明義理
之學

元

鄧牧 字牧心十餘歲讀莊列二子書悟文法下筆追古
作者不事榮名遍遊名山大川歸隱大滌山人稱

為文行先生所居有超然館宴坐累月不出時
時作文以為娛所著有洞香記遊山志伯牙琴

錢塘縣誌

卷之二十五

人物 隱逸

三

張天雨 字伯雨宋文忠九成之裔早棄妻子從開元宮
王壽衍為徒工書擅詩歌文益奇古與吳興趙

孟頫浦城楊載蜀郡虞集豫章揭傒斯清江范梈金
華黃潛交甚善嘗屏居修茅山志因自號曰勾曲外
史

周密 字公瑾宋寶佑間為義烏令入元不任與趙子昂
仇仁近戴表元為倡和友詩極典雅善畫梅竹蘭

石得意輒自題其上
有齊東野語癸辛雜志

金應桂 字一之號蓀壁能詞章宋季為縣令入元隱居
風篁嶺書學歐陽詢畫學李龍眠築蓀壁山房

左絃右壺中設圖史古器客至撫玩清談纒纒
不休每肩輿入城幅巾簪衣望之若神仙云

陳渭嬰 讀書學道賦詩有天然趣隱居葛溪上歲一來
杭城中名人勝士爭要致之惟恐其去也嘗有

詩云一度詩來一見君只因芳杜襲蘭
薰有詩寫到遊仙句繞筆秋香生紫雲

崔彥輝

號雲林生與王蒙俱吳興趙氏甥善篆隸詞賦畫亦超詣隱居賣藥鹽橋市歿無子有甥鄭為

後藥室至今猶以崔氏署扁

葉森

字景修早從真白先生學詩成有法一時所與交者如王真人眉叟薛真人玄曦張外史伯雨張承旨仲舉唱酬極富所著有瓦金鳴集

俞和

字子中號紫芝隱居不仕能詩善書翰早年得見趙文敏運筆之法臨晉唐諸帖甚夥行草逼真文敏如事者得其書每用趙欵識倉卒莫能辨

明

孫蔗田

不知何名隱於西溪以詩文自娛所著曰蔗田集與同邑包大白名行相參人口為西溪二隱讀書賦詩視富貴蔑如也城東二百步有地十餘畝古井一宋輦院故基也荒蕪弗治時雍購

潘時雍

錢塘縣誌

卷之二十五

人物隱逸

四

得之除治一畝為廬其餘析而為畦種蔬天稍不雨置桔槔井上出井水以灌攝敝衣履巡行畦間見菜色青青覆地喜曰生意若此足矣掇其脆美以供父母其餘賣諸市自號曰灌園生

王謙

字自牧有至性父母歿歲時思慕哭盡哀有女兄以篤疾弗嫁奉之如母洪武初詔求前代遺逸有司以謙薦授中書進刑部主事尋上章辭歸

王遠

字志道一足跛博究子史家貧賣藥市中所著有蘭芷集

莫璠

字仲瑛隱西湖與劉士亨為詩酒友慕謝安石文文山謝疊山為人義氣橫發音節悲壯有烈士風初名武昌或以名同國號聞孝陵召見御筆易後名授國子丞堅辭歸隱西溪潛心理學人皆欽之

洪有恒

字德昭隱居甘泉里以教攻生徒為業

陸晉

字元亮號草庭讀書樂道以古人自期詩文典雅作小楷得晉人筆意所遺有西塘稿

周昉

劉秀 字士亨負奇志特立不羣景泰天順間隱居武林城中蕭然環堵事母孝母卒號痛踰常鬚髮爲白所著有菊莊晚香雪餘倡和諸集

劉英 字邦彥爲詩清奇俊逸翛然出塵當天順成化間隱居不仕與劉士亨趙廷玉霍孟陽俞鳴玉結社賦詩名 賦詩名 振一時

王澍 字時雨寄興山水自號山人人亦以山人稱之貧鮮擔石儲口不言貧終身無所干請嘗偕胡端敏至滄洲遇盜劉六等數萬人圍城下數日不解山人爲設方畧言之州官賊即解去胡大奇之遂爲知己而卒以布褐終其身卒之前月山人卧榻上見牖外車從甚衆又控一騎若將迎山人者一人執牌書曰齊東縣推判公事其人皆冬服山人悉以所見語內且曰吾死必以冬月已而果然

孫適 字孟博有詩名孝親友弟弟迪官禮部少與翰林王洪善洪家貧親老祿薄不給適周之終始弗俞

錢塘縣誌

卷之三十五

人物 隱逸

五

善行草允精於素問鍼灸術 隱居甘泉里有東岩老人集

江浩 字道闇爲人沉澹立廉隅與同郡張岐然創爲古學約讀書社其法因經而及傳先考訂而後辨論久爲諸生隱河渚盡焚所著書爲僧名曰夢破

周大纘 字恢焉年十二爲諸生十八遭父喪吳俗有乘舉子業結廬父墓外設短垣幅巾草履居其中四十八年不入城市八十二卒

王潼 字本澄幼讀朱子語錄遂無舉業之志聞陽明先生講道箕山負笈往從配任卒時潼年甫三十六不再娶性好遊歷齊魯燕趙登泰山覽日觀西望太行薄遊都門並海而南遵吳適越東下武昌訪竹樓杏巖之勝工繪畫善諷咏其過太行詩有客中秋過半山外晉全分之句

士胤 字魏美弱冠舉於鄉與陸培齊名培成進士官行人乙酉死於橫山胤遂奉母居郊外徘徊莫山天

竺間布衣葛巾若退院老僧木落天寒淒風苦雨至
脫粟不繼寄食乾竺吟咏不輟三十年不入城市婦
錢歿不再娶竟卒
於西湖寶叔塔寺

賈愚 字少明少為郡諸生不售遂以懶仙自號布衣簞
瓢翛然自得居家孝友尤精翰墨邵康僖公嘗稱

其勇
退云

邵穆生 字汝宣經邦子為諸生年未三十感父廷杖事
棄舉子業隱於靈鷲山中築閣祀許由及唐宋

名賢為樓三楹中祀其父右自處藏書又三楹足不
入城市善畫有求畫者輒不與曰吾豈畫師耶所著

有山中甲子詩
文武林山七志

江之浙 字道信鑿子也弱冠餼於邑與虞宗致宗瑤張
岐然及從兄浩為讀書社比浩舍族入山之浙

亦焚筆研絕意進取師事陸鳴燧患難存恤無不至
及死而厚殮之周恤三黨孤貧闢後堂教授垂四十

錢塘縣誌

卷之二十五

人物隱逸

六

年時同邑胡介亦奇士與皓善隱河渚長詩古文詞
尤精研釋典死後十年淮東黃之翰刊其集行世

國朝

陸圻 字麗京拔貢生少穎異讀書過日不忘六七歲即
能詩文運昌絕愛之性至孝事父母先意承志病

則割股以進負盛名士爭趨之圻亦樂為獎拔乙酉
後為醫提囊三吳間頗奇效多所全活癸卯構奇禍

械繫刑部時傳聞且不測同患者呼圻圻不應曰屬
有所思吾方思陳東耳事解披緝方外變易姓名為

向禽五嶽之遊絕不與家人通所著有詩
經吳學威鳳堂集口譜諸書子寅成進士

吳瑗 字伯玉性孝友好學能文當魏閣擅權時眾競建
生祠謀侵瑗父所建考亭書院地瑗毅然拒之生

卒不好釋氏嘗曰人不師聖賢至老畏死則口作異
域語求懺罪可嗤也順治間子鑛以進士司粵西瑗

諄諄以公明平恕揚之兄弟四人年俱九十
餘晚居湖上不入城市人稱一門四皓云

盧之顥

字子由號晉公神情內朗外若不慧年十一其

奇之者時父復會諸先輩講周易質難蜂起之

顥在末席徐伸精義衆說皆屈諸先輩乃歎服復

隱于醫之顥遂精其術兼博覽古文辭纂文選六臣

註最簡數篝燈至午夜不徹倦則假寐先是復以上

凡四尊皆一子慮之顥過勞人定後令就寢之顥俟

父熟寤潛起燃燭帳中手卷披索有所得輒以記名

嚴直見人有過輒面折之俟改即歡然如故人如畏

憚繼而以爲盧先生愛我嘗遊閩溝奇疾見金甲神

持五臟易置之病頓已於是神氣益暢構思似有神

助遊南雍名公卿虛左待兼曉達時務上疏陳機宜

柄政者弗能用度勢不可爲乃歸隱惟以著書立言

期不朽有遺香堂七錄行世詳經籍博聞強記自少

至老所閱書苟經目皆不忘偶舉一事輒曰某部某

卷某頁無悞者卒之歲既屬疾曰藥王召我未幾卒

長子懋能克家訓諸弟臥疾日有召

我任事者後三日當去及期果卒

錢塘縣志

卷之二十五

人物 隱逸

七

凌萃徵

字聚吉號擴菴浙之望族也穎悟沉靜讀書數

行並下弱冠補博士弟子崇禎丙子歲卷入彀

誤中副車性淡泊家業素豐被服飲食如寒畯人或

以緩急告則又傾囊與無稍吝後乃屏絕囂紛不一

與塵俗間事藝菊賦詩陶然自得酷嗜奕賓至輒與

共奕雖寒暑勿間也每語人曰淵明嗜酒吾量不及

聊以奕代祛鄙吝耳此中蓋有真

意焉豈徒世所謂以奕隱者流耶

虞穆 字鼎錫弱歲食斤授徒爲業非所有一不取居焚

張嵩

字扶來號曼石於言無不讀尤潛心周易要有獨

詣之解與特御陳君夫交莫逆潛夫既抗節死嵩

亦匿跡山林竹杖芒鞋嘯咏自得著有梅坡詩集子

麟承父志工舉業不就試土木形骸頽然物外人謂

博學以詩名

顧若羣

字不黨為諸生縱觀經史百家以新安為其同之旨而會通之以餘力作詩古文辭學其

江涉洞庭彭蠡眺望匡廬越大庾嶺跨瓊海探奇勝文益橫恣後入雲棲隱於緇流所著有石公稿子

鼎銓舉人知縣孫祖榮進士官編修祖愷乙卯舉人

沈晉垣

字亮宸九歲而孤已通五經侍母疾數年不解衣為諸生文名藉甚慨然有志當世尋謝去學

醫遇危疾應手輒活當事以疾召之無私謁益重其品浙人困徭役乃建議於范中丞行落甲催徵法至今賴之子四長穎錫授

曲州令餘俱有文名

吳模

字求履性至孝割股救親為諸生有名中年謝去隱居鉄冶嶺足不入市聚書數萬卷嘯咏其中所

著有前史實用五倫奉持四書五經大易圖書解寶田堂文集等書

朱東觀

字全古博學通敏崇禎乙亥拔貢為昭陽李青所取歎曰詩有根柢學有本原奇士也丙子試

錢塘縣誌

卷之二十五

人物 隱逸

八

於南雍僅置副榜東觀長僅六尺具經濟才發論屢屈其座人會鼎草棄去貢生籍迎母養於石人塢嘗一至都貴游欲徃見之匿不與見以涑水通鑑裁酌未善盡為補輯卒死京師年八十

沈商書

字元伯少工詩文詞壇主聲氣者且十年已拜一官旋棄去商書急人之難愈於已事讀書論

道媿媿不倦不立崖岸亦不事標榜澹然榮利之外人爭以為知己及死慟哭失聲

胡介

字彥遠幼穎異為博士弟子每試輒壓人上身長竇立性高介攝齊武步善為容端初為諸生不立

壇坫抗意而行甲申後退隱於河渚蓬門蘿屋與其妻翁笑傲於溪山間翁武林巨族能詩有賢名夫婦唱和欣欣自得介無子詩文工拙各半嘗命陸嘉淑為刪薙之介死後且十年進東黃之翰為刻以行世

關鍵

字六鈞少慧手執已業耳聽同舍郎所習皆通曉無疑滯一日輒兼數人記誦塾師為之避席曰子

非吾所敢名弟子也當明萬曆時制舉庸庸爛婁東矯以史漢雲間則浸淫六朝而臨川又步趨韓柳鍵與

錢肅樂讀書勝果寺錢引繩墨合規矩而鍵馳騁上下汪洋志肆使讀心悖兩人同學相善而各樹壁壘不相下臨川艾南英亟稱之而雲間陳子龍獨首推鍵浙於是有關錢之學顧鍵沉深思爲有用之學以自見癸未成進士除知丹徒縣之官不半年棄官而歸

皇朝定鼎之初求遺臣於江南巡撫蕭起元會江撫共題爲二十人而鍵在焉鍵辭以久病母老不赴家居以名德自重閉戶著書絕口不言世事其同年生宛平王真定梁以書招鍵而鍵不答兩公後皆宰輔每語督撫曰君部中有吾故人子真君平之亞也試爲我問之後知其爲鍵鍵亦竟謝

陸繁昭

字拒石行人司陸培子也培殉節死繁昭甫十歲依母陳太夫人晨昏色養嬉戲如嬰兒會謗書禍作闔門被逮母陳亦繫獄中繁昭時就遠館舍遽歸里有沮之者曰禍且族曷爲宗嗣計繁昭慟哭曰母死兒欲生卽生得爲人乎遂赴有司自陳就獄事白得出奉母讀書編摩經史爲詩文最工四六有

錢塘縣誌

卷之二十五

人物 隱逸

九

善卷堂集行世單行側注絕去俳偶之迹尤善談論長筵廣坐中吐佳言如玉屑風流文采奕奕動人同學諸生先後掇高第去繁昭泊如也或勸之就試輒不應學使者張安茂廉知之檄有司令與殉節陳公潛夫子曾篁俱來繁昭上書陳情卒不赴曾篁亦辭不至曾篁年七歲父母俱沈淵死叔父祚明以教以育至於成人能讀書承先人志隱於岐黃間平生不喜見要人垂老閉戶食貧以歿

丁文策

字叔范號固菴學者稱爲江樵先生文策束髮擣謙張右民葉大緯朱東觀柴紹炳陳廷會虞汝翼等創立壇坫天下翕然宗之名登樓已而謝浮名自號布衣奉其母偕隱於河渚當事聞其才屢辟召不就教授生徒又以醫者人命所寄乃自黃帝岐伯詰難以及長沙河間下至丹溪立膏肓堂所補救悉穿穴而研究之試輒應手愈兩應督撫之聘纂脩通志及府志制府宴諸君於貢院酒半酣命吏乞詩文策信筆酬答竟老布衣爲獨行遺民卒年八十有一

著有西湖集員言及蕭集
夏聲百集序諸書傳於世

張右民

字用霖其先閩人祖國善以明經遊學武林會
無所不讀啟願間與龍門諸子創為登樓文選風行

宇內值闖亂條時務十四事欲上達南都且致書中
丞劉宗周而著卦得遯不果行乃隱處城之東偏講
學後徒遠近負笈者咸集毛先舒以古文明家亦出
其門康熙癸亥與脩浙江通志郡邑志

詔舉

天下博學鴻詞鄉先達以右民薦固辭為人外溫和
而內剛介砥礪朋儕獎引後進主持東南名教者垂
數十年年八十三卒學者稱為東臯先生有東臯文
詩集甲申疏稿史論史畧竹憲語錄
凡若干卷學院周允與請崇祀鄉賢

錢士璋

字章玉少隨父任京師明習朝典稍長諸生祭
酒負經濟才歲大禩當事為粥以食餓者擇紳
士方正王之以士璋薦計口授餐民皆捧腹道有饑
死者出私財瘞之民若於徭役士璋建議為條鞭法

錢塘縣誌

卷之二十五

人物 隱逸

十

以均之著為令在甬上值海寇亂士璋出奇計定之
舟山以安薄遊天台因號赤霞山人後歸西湖見石
山壁立有篆刻赤霞字符其號遂築菟裘終老焉善
吟咏工草書尤精繪畫得宋元人筆意所著有赤霞
山庄集無疾而
逝年八十有五

王元佐

字又章父二瀛仕為尋陽參軍元佐髫年隨父
任卽能代治簿書二瀛解任歸里元佐孝養唯

謹雖牽車服賈不廢讀書為人重孝義敢任事
國朝鼎建之初邑令顧咸建伏節死無敢殮者元佐為
之倡與章華許昭遠合詞以請於貝勒王許之於是
始殮而送其喪歸里慕陶靖節孔稚圭之為人卜居
胥山之麓郡守龐顏其堂曰景陶蹤孔以風
世云子道寧邑庠生有小學輯韻編行世

徐介

號猶次明諸生年十六隱河渚父母卒短髮不脩
編衣練冠六十年如一日偶夢胥吏捧冠帶迎之
此曰我處士也又安仕耶吏曰上帝有命不可違已
而遍別同好無疾而終門弟子仍以白衣冠殮之

蔣名登

字高卿明侍郎蔣驥後家貧甚父維賢腹患

少愈然患處口張卒不可合醫命切肉投之痛少止肉銷痛即劇由是日需肉劬許寢始安歲大饑斗米千錢市肆斷屠割間遇肉非多錢不可得登年才十五家無一錢百計求所以得肉者乃亦竟得肉如是數月疾良已越三年而母與父相繼歿其孝如此登幼讀書能文以貧棄去從名醫吳玉涵遊盡其學病者延之投劑即起繼復棄去為賈所得貲輒贖軍中所掠婦歸其夫嘗估齊梁間喟然曰吾身無贏錢然願以此徧觀天下名山水以娛其身遂上泰山登繁臺涉河溯淮卒垂橐還登操履方正言論篤實喜面折人過人多憚去晚年布衣糲食優游林谷間人方之墻東王君公士室袁閣云登卒長子弘德繼歿次子弘道事母孝每朔望必造父墓拜且泣風雨不為阻行之久不改間黨咸稱之

費之純

字式文為人恬澹沉冥不求仕宦亦無貴顯交好讀莊老書怡然自得卜築城隅以吟咏自娛

錢塘縣誌

卷之三十五

人物隱逸

十一

自稱逸老慕張伯雨孫太初之為人其子承挺亦有父風之純病時承挺奉父命之吳松歸而父歿一慟幾絕遂戒葷酒數十年家雖貧每年製良藥施捨以濟病者不祈報而全活甚眾教子弟讀書務聖賢窮理之學

胡湏

字克生少從司農嚴沆學得聞道於三嚴先生喜學書前輩俞時篤者工虞褚書誨之日當從顏家

廟碑入手從此精進益工篆隸書自逸少以下及唐宋明諸家一經臨摹無不髣髴神似性僻喜與貧賤交常罵富人勿與通尤精鐵筆頗能詩詩多作解脫語死之日友人章撫功往為棺殮後三年門人蔣弘道葬之

施元龍

字夔友早慧有名諸生問下唯於梵天精舍刻勵勤學經史諸子百家之外於天文地理河洛諸書無不博覽以勞致疾乃喟然曰吾聞古人有以壽隱者何必功名哉更取素問內景岐黃之書精研

之遂大通醫理。曾父喪擗踊號泣日嘔血不止。自
不起。謂其妻孫曰：「亟焚吾書，無庸也。」唯醫道可自濟。
以濟人。吾所註醫書，俟見長後當以是授之。卒年三十。
有二子：貞珉亦有俊才，弱冠補博士弟子。以又行
見稱。然其母孫苦節，聞父遺命，竟以醫行世。云元龍
所著書有醫學發明，閱史偶存百尺樓詩數十卷。

徐繼聖 字坦公，號素庵。弱冠游庠，聲藉甚。後乃廢棄諸
歌，逆變道路，阻隔野多，流離繼聖。出囊金量情，蠲給
橐，乃罄至貧，不能舉火。及歸泉石，優游嘯歌，終老著
有聖學宗源、東林俳語及詩文。子二：澂、爛。經世學從
征，闢逆建奇勳，劄以閩司辭弗受。次之麟，登丙子鄉
書所歷，途輒有
惠政，民乃歌之。

裴煥 字煜炎，號了庵。年十五為諸生，性嗜古博覽經史。
善琴，畫精醫理，屏絕塵囂，隱河渚。間日以著書立
說為事，與朋友交溫恭，諒直，故人咸樂得而暱。就之
子二：稜、穉。克承父志，勿墜家聲。多才藝，尤以善畫名
於世。

苧起龍 字子起，鼎元贊曾孫，負奇氣，少有神童之目。博
極羣書，所交盡一時賢俊。後乃廢棄諸生，鍵戶
肥遯，與一二素心人數晨文。兄子君長亦偉男子也。
與起龍道合志同，時人方之二阮。子孝先有父風，孫
樹滋嫻經濟，
才知名于世。

王至健 原字時行，生而有異秉。年十三作新荷山水賦，
纏纏數千言，立就。祖風噩大奇之，決其必能與
宗然。終不肯一應童子試。方明季，流賊毒痛，世亂如
蟻，每自歎曰：「食人之食，不能分人之憂，雖死有餘憾。
不如自食，猶可苟活也。」因更字曰時貞，亦取固守之
義。終身未嘗一出門限，外竟老死於家。所著有讀史
偶評六卷、省過錄
二卷及年譜等書。

論曰：逸民助於魯，論商周之際，僅得七人，而聖人猶

錢塘縣誌

卷之二十五

人物 隱逸

錢塘縣志卷之二十五

錢塘縣知縣南樂魏源纂

人物

流寓

古之流寓必若長安之載鄭子真种放洛陽之載虞卿司馬相如桐廬之載嚴光吳中之載梁鴻戴顓山陰之載謝安王羲之始為不爽地與人兩相重也茲邑湖山既勝流寓亦多上世既患其考之不精近代又患其登之過濫一仍舊志尚有未愜於心者俟後之君子再考焉志流寓

錢塘縣誌

卷之二十五

人物流寓

一

唐虞

許由

穎川陽城人武林山有稽留峯太平寰宇記云許由葛洪皆隱此忘返故號稽留洪武志則又辨之謂晉時許遠游棲止之地訛為許由毛先舒許由灘辨云巢許之說多屬寓言雖太史公亦疑之今仍歷志從之

戰國

荀况

又名卿趙人相傳讀書荀山今荀山寺是其處也

六朝

謝靈運

會稽人屬文美麗俊發名在顏延之上襲爵康樂公宋禪後為永嘉守肆意遨遊幽峻必造勿時曾寄養杜明師家杜預夢有賢人相訪翌日靈運至遂建夢謝亭亦名容兒亭亭在靈隱山側

朱世卿

梁鹽官人有別業在武林山傍云隱士鹽官朱世卿聖

徐孝克

少有力辨能談元理侯景亂東游錢塘寓佳義里與諸名士討論經義并及釋典道俗受業者

數千人

唐

駱賓王

義烏人七歲能文與盧照鄰王勃楊炯齊名稱四傑仕至侍御史以天后即位頻上章疏貶臨

海丞文明中與李敬業起義廣陵業敗遁靈隱山為僧宋之問至寺夜吟不屬賓王隔垣朗吟終之世所傳樓觀滄海日門對浙江潮是也質明求見則避去矣竟卒於寺今天香院是其隱處

陸羽

字鴻漸竟陵人不知其所生既長筮得漸之蹇曰鴻漸於陸其羽可用為儀因以為名氏上元初隱茗上自稱桑苧翁或獨行道上誦詩擊木裴徊不得意則慟哭而反時謂為接輿也有靈隱碑記惜不傳

錢塘縣誌

卷之三十五

人物流寓

二

陸龜蒙

字魯望居松江甫里不喜與流俗交設蓬席齋束書茶竈筆牀釣具往來時謂江湖散人嘗至

靈隱晤丁飛之作
丁隱君歌相贈

五代

何溥

越州人識雲氣善地理為南唐僕射大夫國亡掛冠隱芙蓉山假蹟禪門不談僧話今石屋嶺有祠

宋

潘閔

字逍遙大谷人居太廟東巷通易春秋尤以詩名落魄不羈交遊皆一時名俊以預盧多遜謀立秦

郎太宗下諸路大索閔刺鬚髮衣僧服得逸曹彬疏以四門助教招致之遂卒於泗一云真宗釋其罪以為滁州

參軍

徐復

字希賢莆田人家於杭范仲淹守杭數就訪問復為人占無不奇中精易卦天文地理旁及遁甲占

以復薦名見欲官之不就辭歸遂禮以表其賜號
梅處士年幾八十居吳山下
沈文通守杭勝曰高士坊

韓世忠

字良臣延安人屢立戰功追封蕞王紹興中秦
檜當國以和議不合疏懇解堰極周游湖山間

建亭飛來峯之半顏曰
翠微自號清涼居士

朱弁

字少章婺源人紹興二年遣使問安兩宮士大夫
無敢行者弁奮身應詔使金人百計迫之誓死
不屈嘗偵彼中虛實比和議成得歸獻金國所得六
朝御容及宣和御書畫述北方所聞見事狀帝高其
節有進用意秦檜沮之僅轉奏議郎卒於臨安稽留

洪皓字光弼江
年與張邵

陳剛中 建炎初任太府寺上封事議恢復遂與
張九成七人同謫其詩云同日七人俱去國何

錢塘縣誌

卷之三十五

人物流寓

三

時萬里始還家以勞
感瘴而卒還葬臨安

范成大

字至能吳郡人紹興中官至吏部尚書叅知政
事以病請領洞霄宮居杭棗木巷今巷西石湖
橋因其號名也素工詩高宗嘗書石湖二字賜之所
著有石湖集攬轡錄桂海虞衡志湖船錄等書行世

周輝

字昭禮淮海人紹熙間居清波門之南嗜學工文
當世名公卿多折節下之家藏書萬卷父子自相
師友撰清波
雜志十二卷

孫惟信

字季蕃工詩善談謔嘉定初棄官不仕寓杭
湖山間自號花翁及趙與蘆笠之西湖旁

宋斌

袁州人少從學朱熹時學禁方嚴羈旅日温年
且八十臨安尹趙與權以父事之死蒸西湖旁

謝翱

字臯羽福州人自號晞髮子至元末家西湖上開
文天祥被執翱悲不能禁失聲哭桐江有子陵臺
孤絕于尺時天涼風急挾酒登其上設天祥玉拜跪
伏爵乃取竹如意擊石作楚歌招之性好佳山水遇

卽恣意游覽歿後友人移柩塋于陵臺南初鄴以朋
友道喪作許劍錄未就隱者方鳳爲作許劍亭於墓
有文集三十卷行世

元

虞集

字伯生臨川人官至奎章閣學士與鮮于伯機揭
曼碩楊仲弘趙子昂黃晉卿諸公友善少游錢唐
故於靈隱多所題咏

胡長孺

字汲仲永康人少淹博至元由薦入爲修撰以
疾辭歸寓虎林山下慨然以孟軻自許誘引後
學不倦其文章爲時所知屢典文衡七
十五卒所著有石塘文稿五十卷行世

鮮于樞

字伯機漁陽人仕元爲江浙行省都事因居焉
風流文雅善詩歌尤工翰染與吳興趙孟頫雅
相伯仲

錢塘縣誌

卷之三十五

人物流寓

四

臧夢解

宋末舉進士元初官廣東廉訪使老病退居杭
州博學有操守所著書有周官考三卷春秋發
微一卷目號魯山

楊維禎

字廉夫會稽人毋夢金鈞不懷而生泰定間進
士再轉鄉郡監司令居官以狷直傲物不調者
十年會四海兵亂浪蹟山水間居杭甚久始卜宅吳
山鐵冶嶺故號鐵厓繼得鐵笛更號鐵笛雅好聲妓
名徹都下所著有史鉞三史正統辯胡傳補正富春
人物志古樂府麗則遺音西湖竹枝詞數百卷明太
祖徵之不至獻詩有皇帝書徵老秀才秀才懶下讀
書臺之句聶大年題楊廉夫集云文章五色鳳之雛
借酒詩豪膽氣粗白髮草玄楊子宅紅粧檀板謝家
湖金鈞遠夢天星墮鐵笛聲寒海月孤知爾有靈應
不死滄桑更變問麻姑吳寬題鐵崖墓心云泰定年
間名進士會稽山下老徵君金陵不看二秋片玄圃
長嘘五色雲對客呼兒將鐵笛從人笑我作紅裙風
流盡付吳淞水還繞劉伶四尺墳二詩人多傳之

丘世良

字子正父疇由台州徙錢唐其幼穎悟讀書過目輒解父喪奉母以居日益貧教授市中經史百家之言靡不蒐究用薦為海鹽杭州教授仕終松江府丞所著有梯雲集六卷隨筆二卷

貫雲石

其父元忠臣阿里海牙之孫名貫雲石遂以貫為氏卜居鳳山門下自號酸齋神采秀異臂力絕人稍長折節讀書為文不蹈故常元仁宗時為翰林學士稱疾還江南賣藥錢唐市中結廬龍華山詭姓名易服色人無識者

郭彥澤

河南人少有氣節高自稱許有葛先生者神於醫盡以其術授之避地武林自稱曰洛下遺民陳栢號雲嶠性豪宕喜結客嘗被命監鑄祭器於杭倪者移置近所舉豆觥引妓樂悉分散之顧倪曰吾在京時即熟爾名汝乃欲以米沽我耶請從今日絕交居錢塘不樂小官怒罵宰相年踰六十不得志而死

錢塘縣誌

卷之二十五

人物流寓

五

繆倫

字叔彝東平人侍父宦游錢塘至正中淮兵寇城執其父將殺之倫哀號乞免弗聽傾家貲以贖又弗聽乃自縛請代於是殺倫而釋其父

張昱

字光弼廬陵人至正中為江浙行省左右司員外張士誠起棄官不仕以詩酒自娛號一笑處士明高帝聞其名召見欲官之因其老曰可閒矣又號可閒老人處西湖上簾衣糲食讀書賦詩以適其志著有左司集

薩天錫

雁門人寓杭風流俊逸杭之山水多所題咏

陳基

字敬初臨海人九歲與兄聚從師於杭寓觀橋之陋巷夜雨暴至張蓋就寢不顧自編其帙曰三嘆讀書不輟已受學黃縉授經筵檢討尋轉江浙行中書省郎中請葺岳飛墳祠致祭自為文刻石墓上出官錢補刊西湖書院經史板洪武初召修元史成賜金還卒於道有彞白齋稿二十卷

明

鄧林

南海人初名善觀以南昌教授擢吏部主事成祖更之曰林後居杭詩文為一時冠

孫一元

字太初泰人也善詩有逸才意態超脫往來杭湖間居南山淨慈寺最久費文憲宏為相日訪一元於南屏一元臥不起久之出見曰海上碧雲起直接天言亦城大奇大奇絕不交一語文憲益重之

王守仁

字伯安餘姚人鄉舉時讀書南屏後擢宸濠忽逢雲起僧住峯頭話月明其意蓋在靈竺間也寓居湖南淨慈寺成詩六首南屏有陽明洞以公號名嘗建天真精舍於龍山之陽即今勲賢祠

薛侃

字尚謙揭陽人嘉靖間登進士具疏有定國本辨已思去之適有袖侃疏草者密獻未嘉未嘉入言此夏某所為將導薛侃上疏不數日疏果上上大怒親

錢塘縣誌

卷之二十五

人物流寓

六

鞠令必引夏拷掠無完膚竟不變詞侃為王守仁門人歸遂築天真精舍祀守仁其中與同志講學精思力踐且為戒於後曰此講學公所後世王薛子孫世世無所干預

諸爨

字子相餘姚人少負奇氣除兵部主事以簡伉忤大條謫茶陵南歸居錢唐區曰梅隱隱居教授執經授業者如雲後倖潮陽丞邵武皆有惠政棹過嚴陵濯足灘上溺死歸葬錢塘石屋山白鶴峯下

祝時泰

閩縣人博雅善詩嘉靖初鄉舉官員外掛冠歸慕錢塘湖山之勝卜居西湖與郡人沈仕輩結玉岑詩社遨遊肅咏以終其身

黃省曾

字勉之吳郡人博雅工文詞與錢塘田汝成交莫逆嘉靖中來遊西湖就居南屏最久自稱五嶽山人瘦骨輕軀涉險不假筇策湖山之勝歌咏殆遍著述數百卷行世

馮夢禎

字開之秀水人萬曆丁丑會試第一移居杭城築快雪堂於孤山上讀書其中曠達真率精人

倫鑒海內名士無不望門投贄嘗爲祭酒引拔後進
皆成名士世比之郭有道詩類謝康樂文類蘇長公
走筆立就多不成稿制舉業有剩技二卷與錢鶴灘
唐荆川共傳晚製桂舟貯書載歌妓遊西湖竟月
不返亦時與僧蓮池邵重生虞淳熙兄弟米大復諸
公結放生社人以爲無愧白蘇時入社者有司理徐
桂字茂吳餘杭人博學工詩長於咏物又刑部屠隆
字長卿四明人賦味甚富皆夢禎同年友一歲俱卒
宋登春 新河人號鵝池山人性豪宕酒酣輒罵坐嘗謂
邢笑之忽渡江詣徐宗伯學謨寒暄未畢趣蒼頭買
舟觀錢塘江潮適中秋潮勢甚盛扁舟衝之乍沉乍
浮轉盼而歿

莫叔明 字公遠長洲人一名更生自號冷泉子性高邁
動法古人年十七入卽好爲詩險詣卓絕忘情
世味簞瓢晏如後徙居湖墅古樹清流卽其
地葬焉王世貞爲志曰明詩人莫公遠之墓

錢塘縣誌

卷之二十五

人物流寓

七

唐新 字仲可蘭陵人工詩愛西湖之勝買一舟居之舟
名蓮葉往來烟雲浦嶼間嘗至絕粒采蓴而食孝
廉吳之鯨憂其乏絕爲疏以傳知已有云唐仲可夷
猶烟水欸乃蒼波瓶中不堪喂鼠榜畔可以鷗眠七
十二種惟有蓴羹一十二時嘗遭木厄云云約共解
囊以贈新聞之嘆曰吾寧 爲諸君 遷或竟謝歸

萬表 字民望號鹿園鄞人父椿寧波衛指揮使性篤孝
痛父椿早世事母謹年十七襲指揮使慷慨尚氣
節不問家人生產嘗書武侯淡泊寧靜四字於坐間
正德己卯中武鄉試第一與辰會試擬第一以語多
指斥稍抑之擢都指揮督全浙運至淮見飢民載道
不俟奏報輒發所運米賑之全活無算尋晉浙江都
閩再遷南京大教場坐營歷官漕運於河渠利弊極
意興華尋謝事家錢唐一日天寇逼省巡撫于抒巡
海上藩司游居敬倉卒無備人情惶擾就表問計懇
選少林僧兵二百名遣其婿杭州衛指揮使吳懋宣

統以出戰焚其巢穴大破之省城獲安朝廷求將才起都督同知僉書南京中府事力疾就道賊犯蘇松急鬻產募兵以進與賊遇於場涇橋首挫其鋒身中流矢暴創血戰賊始遁去後以宗憲遣邑人將以往日本招汪直皆表本謀也生平博洽羣書爲文敏給踈暢直抒胸臆所著有玩鹿亭稿經濟文錄道德經贅言灼艾集諸書行世輕財好施所得祿常以之周宗黨年五十九卒子達甫受業王龍溪唐荆川之門與兄謙甫俱好讀書居父喪三年不飲酒食肉不履內室已棄諸生襲爵歷官至福建都閩廣州駐防叅將所至皆有政績年七十三卒所著有皆非集孫泰中崇禎丙子科浙江鄉試志行純雅篤於友誼性好山水絕迹不上公車

嚴大紀 字汝肅嘉靖戊午舉順天鄉試乙未成進士授行人氣岸卓然時分直當國欲羅致天下士以紀同姓年少而才慕之尤殷懸顯秩相待使人微語紀紀遜謝相啣之人爲紀危紀自若也嘗册封有餽

錢塘縣誌

卷之二十五

人物流寓

八

遺例紀力却之歷禮曹郎擢江西僉事備兵湖西會安吉兵謀紀冒險定亂撫定餘黨叅政河南殲雲松三河劇寇臨事制變皆中機宜已又移江西時豐城縣庫失守株連甚衆紀設方畧購得真盜理出誣服者數百人武寧洞鄱陽湖爲巨盜淵藪紀密遣卒爲商賈狀偵其山谿道路然後調兵內伏外攻搗其巢朝廷知其能令備兵井陘治戰士守險要劇邊頓之陞山東按察司奉旨看山西溢田踰原額二百頃有奇例當科稅紀獨謂山西地瘠民貧朝廷捐有餘以活貧民於正賦無缺令被此格外恩可也乃上陞光祿卿旋轉太常卿會壽陵之議與時意忤執政嗾私人撫以他事論奏遂拂衣歸紀秉義持重屹如山岳生死利害不能撼搖任不竟其才居家孝友淳至遇親舊隣里謙和周恤卒九年朝論始定錫諭祭葬子三長調御次武順少教皆名儒能世其家學並祀鄉賢

僧如曉 號萍道人蕭山人幼不知書不自檢年二十餘以罪逃臨安山中獨棲古廟十餘年深山月朗

行見影在地豁然有省折枝畫蠹灰遂善書大日吟
哦多能句乃出遊三天瓢笠自持遍遊宣歙荆中台
宕諸名勝老乃賦西
側名曰巖版入
必結茅為石塔
平晚著萍香集

吳紹昌 字有聲歙縣人寓錢唐世家世貴顯紹昌以名諸
州紹昌性孝友與弟君揚相愛賦性嚴重有故人子
來謁驕不拜床下紹昌責之曰吾若父友也不可以
成若過命拜而後見同里有負人百金迫除夕且死
紹昌慙以金授之與錦衣于某交始終勿替某思肅
後也時繼襲未定主爵者索賂
幾不得紹昌力任其事爭乃定

注翥 字念初歙人萬曆乙卯科舉人上邊策特賜進士
歷任遼左累官至總兵方援勦高麗駐兵覺華島
天啓初閣部孫承宗經畧遼東委翥司陶事築寧遠
城及崇禎年間與經畧議不合棄職歸隱錢塘之安
溪山嗣方一藻受命經畧迫起之加都督同知賜蟒
玉師駐松山兵寡糧盡力守年餘城陷死之子僑字

錢塘縣誌

卷之二十五

人物流寓

九

思古甫十二齡痛父骸不歸遍歷險艱尋骨疆
場出九死一生奉母還里人咸稱父忠子孝云

吳本泰 字梅里少有名屢困棘圍以明經貢京師舉崇
禎順天癸酉鄉科甲戌成進士年巳六十有二
以行人改吏部文選郎入為尚寶卿年八十餘卒本
泰初籍海寧後樂錢塘河渚而遷居焉遂為錢塘人
性澹泊無嗜好繩床棊几朝藿暮鹽蕭如也與高僧
耆舊相往來其弟太冲稱之曰吾兄如千頃澄波搖
之不濁甲戌之捷與陳際泰張
懋忠同出湛持文相國之門

國朝

葉紹泰 字來甫吳江人父兄並以甲科顯隸嘉興縣弟
子員補廩餼移寓錢唐與諸名士日往來詩酒
博學高文尤澁緯候之書所輯古文鴻寶晉魏別解
紙貴當時卒年三十六赴喪百餘人盡一時名士未
東觀為之
銘其墓

王紹隆

字綏山海昌人移居於杭 國朝丙戌舉於鄉 已丑成進士由庶常至弘文院修撰已亥出為

江南布政司叅政分巡江寧適京有海氛之變犯 瓜儀諸郡羽書日至紹隆沿江內視馬道三晝夜馳 數百里歸畫形勝定壁壘濟甲冑籌糧餉人心始安 事既定瓜儀婦女俘於軍中者紹隆悉出之曰此吾 民也江上逆案發畏訊者互相連染紹隆曰愚民畏 死卽僞從之豈反側耶當事從其言歸杭後以詩酒 終其身

陳鼓永

字雍期號學山海寧人父之暹崇禎丙子舉人 遷居於杭鼓永以順治戊子舉於鄉乙未成進

士選庶常歷司成東閣學士吏部左侍郎擢左都御 史晉工部尚書鼓永神觀偉然風儀修整少時具公 輔之畧為

世祖章皇帝所器許已而父之暹以兄弟故連坐吏議將 遠徙鼓永上疏父老願以身代且引父出繼例詞旨 凄惋踰年始得歸屢克經筵講官當 上意任左都

錢塘縣誌

卷之二十五

人物流寓

十

御史值閩逆之變上疏請蠲全省課額以甦民困又 請表揚死事諸臣以植倫紀俱優詔報可丁外艱歸 家未幾卒鼓永性廉潔一介不苟以子恩蔭推與 其弟人以爲難謚文和賜祭墓墓在慈雲嶺下

祝文球

字雍來海寧人京兆以函之孫也文球父守熙 早死事母朱至孝性恂恂和易處人父子骨肉

間得文球一言則相悅以解蓋文球能以至性感人 不立崖岸亦不爲阿附故人慕而樂從之當 國初 社事相爭攻擊不已文球爲朱一是甥不立門戶一 是亟稱其賢乙卯舉於鄉文章爲名流所重未幾卒

十年五

萬斯大

字克宗勤人父泰崇禎丙子舉人復社名宿鼎 革家落事父至孝不以兄弟八人推委秉性剛

毅見義必爲爲其師黃宗羲所畏憚隱居教授研精 經學尤邃于春秋三禮所著有學禮質疑禮記偶箋 儀禮商周辨非學春秋隨筆等書行于世以高曾墓 在錢塘遵遺命孳子鵠焉卒年五十一子經世其學

康熙癸未進士令
任翰林院編修

朱從禧

字吉士休寧霞瀛里人性孝友生母及既於瀛

禮客遊武陵愛湖山之勝每至流連不即去然情戀
庭幃食鮮鱗時果計程可達者輒導使歸歸時季父
如父先塋及他支墓域悉鑿石表識號為孝墓
試不得已即棄去雅耽咏吟著有詩餘行世

汪之萼

字含章歙人幼有異姿弱冠時涉學遊危疾中
夜蕭衣冠拜於庭願以身代醫至醫肉二寸

許投藥中母霍然愈讀書不屑章句內行端謹力周
諸從昆季之急尤以古人相勉勵不從則閉戶自責
弟兄感其誠泣謝乃已素行德於人不望其報嘗語
諸子曰我以惠自居而期彼以報是交相市也早歲

好道聞西陵山水之勝乃從黃海來錢磨父母幸葬
南屏之麓構廬其旁榜曰壑庵遂不復歸未幾卒於
山中壑庵在
南屏山左

吳斯

字仲徵徽人喜武林山水遂十居焉善詩賦喜賓客
為人瀟灑出塵尤善書畫司鐸永年造士皆有法晚嘗

錢塘縣志

卷三十五 人物流寓

七

曰吾欲棄妻子一遊五岳盡攬天下奇勝一夕卒斯
性通豁無城府與縉雲鄭賡唐交最善著有松臺集

林嗣環

號鐵崖泉州人順治己丑進士授廣東海南副
使攝學政愛養士子後以籓兵事削秩歸慕武

林山水僑居湖上與曹秋岳王西
樵相倡和卒葬西湖之白沙泉

戴朝立

字茂才父樊由新安遷杭朝立事父母先意承
志於兄弟弟變歷久不衰性剛方然諾不苟自

處儉約不蓄私財不飾車服不履公庭遇人緩急竭
力營救之匪貧無紛無望報念王平多隱德人咸稱
為長者以子摠封

內閣中書舍人

吳文翰

字文翰自奉之讀書攻苦
八名補郡庠生七
方外為蓮社遊

登山賦

托高
不存乃屏車

戴

補諸生入大

後以千金

為丙午歲郡城火延數里捐數百金
托僧周濟以予普成貢封儒林郎

鄭世迎

字寅賓新安人遷杭已三世博學負奇氣試輒
冠軍壯歲客長安名公卿爭相延禮詩歌援筆

立就屢躡棘闈遂謝榮枯括放浪山水間慷慨然諾
急明友事如已事戚黨待以舉火者率數十家嘗為
友營救身家人咸倚之為重游屐所憇朋觴維選有
書帶草堂詩稿行世弟世遠最工詩文惜早卒諸子
皆有
文名

吳夢鼎

字仲鎮徽之休寧人寄籍錢塘為上庠諸生崇
禎庚辰科薦舉北京國子監肄業四方士大

夫聞名爭相交行文詞長江大河不屑屑尋蹊徑學
者至今傳誦之順治二年巡撫張以夢鼎才委攝知
蘭谿縣事中途遇賊兵不屈以死生平尚義氣信然
諾見義必為其父敏患建城東土橋新壩夢鼎實左
右之費數萬金利國便民為百世不朽之功迄今士
人呼為吳公壩云子五曜珍疇疇明曜廣東惠州府

錢塘縣誌

卷之二十五

人物流寓

三

丞疇廣東
錫山守備

凌起翔

字紫雲歙縣人少好學尚義行及長隨父往來
吳淞間因客居錢塘初饒於財以慷慨任事人

之詣翔者日益甚翔益曰喜好行其德家遂中落翔
兄弟三人其次弟嘗心盜割甚幾斃以救免割愈後
飄然遠去不知所之數十年不歸翔畜其妻若子復
授之業父老且病翔孝養備至其友以事之京師請
翔與俱翔辭以父疾行至山東禱於嶽神卜父病不
吉即策騎遄歸侍養又二年父以天年終與弟起潛
尤友愛推財分業曾無間言教其弟之子不異已子
愛人讀書殷殷勸勉而欲成就之蓋不問親與疎也
蘇人有老嫗售於旂病甚王遣之
代償復訪得其子而歸之王文甫
吏榜笞以百數王親黨知交莫之
情告翔立為償而事得解關吏聞
相結納其他濟人緩急不以在亡
子賡臣年十五歲亦隨父至杭翔
師得章撫功

從游十餘年博學多通受知鄭學使者補博士弟子
後舉丁酉科順天鄉試起潛子如煥成進士官翰林
院庶吉士翔爲人敦行樂義動法古人年
僅六十客死於杭遠近聞者皆哭失聲也

盧癩兒

不知何許人鼎革時嘗居貨買湖墅不顧值輒
售有問其姓名者不答蹙然指耳畔所患癩以

目號美鬚髯貌偉聲弘嘗夜彈劍缺聲聞隣戶人每
異之一日視其門有二人過焉附耳語輒哭舍卒仗
劍走棄一切不問因趣其所往以窺乃奔哭伍員廟
渡錢江詣山陰濱海一墓所北嚮載拜西嚮載拜口

拈二絕大哭聲震林
木拔劍破瘡而死

汪廷俊

字簡臣號淡庵徽郡黟邑人以中鹽僑寓錢塘
曉達鹺政爲臺使者所倚重慷慨好施濟以緩

急告者靡不應會遭閩變道路流離廷俊首先創捐
收贖子女務使完聚事親孝交友信過人過則情懇
理遣不加苛又同舍人有竊其金去者廷俊知其名
絕口不揚以故宗族里黨咸謂陳太丘之盛德王彥

錢塘縣誌

卷之二十五

人物流寓

十三

方之長厚蓋
兼而有之焉

論曰余按吳越當春秋以前皆禹貢揚州之域而秦

伯始開國於吳伍胥身浮於越則志流寓者唯此二

人足以當之而以許由爲寓賢之首非也史記余登

箕山其上蓋有許由冢云此太史公疑詞耳且箕山

在洛由潁州人葬此山而舊志以武林之稽留峯爲

箕山誤矣錢塘自唐宋以來實爲名流萃止之區而

宦遊所至往往多留連不能去至長子孫者有之其

湖山之美偏高賢之題咏兩峯三竺多隱者所盤旋

琳宮梵刹緇流羽士之潛踪峻宇雕墻巨室大家之
遷徙加以東連江海北趨淮楚富商豪賈之輻湊稽
其版籍幾過土著矣然其來者半去者亦半不足言
也若乃名在天壤而身同編戶棲遲巖穴而隱約束
陵騷人負屈宋之才經濟饒賈董之策美踰竹箭譽
重南金功著旂常名馳北闕雖出處顯晦之不同皆
足以增山川之勝而銘之竹帛非所謂維楚有材晉
實用之者耶

錢塘縣志卷之二十五

錢塘縣知縣南樂魏源纂

人物 耆善

孔子曰十室之邑必有忠信孟子曰一鄉之善士斯友一鄉之善士大行受大名小行受小名志家所當兼采而並收矣錢塘舊志有人瑞似乎得於天而成於人者少非所以勸也易為耆善若曰善故耆也去孔子仁者壽之意不遠且人瑞中男女並登亦似不倫今別為壽母而附於列女之下志耆善

錢塘縣誌

卷之二十五

人物耆善

一

宋

龍廣寒

江西人移居錢塘挾數學能預知又行服氣導引法嘗佩小龜十數枚于身至晚乃解飼之游湖海間皆推為異人事母至孝六月一日母生辰方舉觴為壽忽見北窗外梅花盛開一時以為孝行所致遂稱曰孝梅廣寒卒時年百有八歲猶童顏綠髮云

明

丁保保

字艾庵其先河南人扈宋蹕南徙錢塘至保保八世矣元初授提領職入明以耆年賜九品服授太守廳事太守訊以政保保曰野人何知古云與眾同欲則濟儒久賤願貴之農久困願甦之政久苛覈願平之僧伽尚橫願戢之惟反古政加以寬大民咸得所矣太守敬謝年九十七卒子貴年九十亦賜九品服又三年乃終

相... 不入城市... 奇中壽一百二十有一... 於室改室為墓域墓焉

袁文玉 喜山澤游築室柳州亭左露桃煙柳間每喜獨

左思詩曰山水有清音何必絲與竹生於正德戊辰

萬曆戊申年百有一歲猶強飯健行矍鑠未艾也

葉春先 字和伯父履諸生嘉靖間倭寇杭提學院鶚率

諸生登陴守履門守武林時湖墅居民入城避

而人全活無筭以守城勞死時春先年十歲及長好

國朝

錢塘縣誌

卷之三十五

人物

二

沈汝楫 字濟蒼仕光祿寺署丞醇德長者年九十九臘

月日卒先數日絕飲食與家人訣歌司空圖休

休亭詩或謂盡少待作百歲翁乎曰天地

之數惡盈人生亦何必定百歲儵然而逝

馮子卞 字回初錢塘諸生篤學力行以經術傳弟子為

大師生徒數百人其最著者如湯煥許光祚年

九十二無疾而終子廷槐年八十八孫昌世年七十

九曾孫士驥年九十士駿年八十一四世皆登耄耋

姚士章 字斐成生而穎異與人交無疾言遽色煦煦然

如坐春風化日中性好善見義必為甲寅遭耿

逆之變婦女流離者輒捐貲贖之仁錢兩邑因固罪

人每患疾疫士章獨力輸金收卑濕為高燥又念三

歲大比士子萬餘人露頂赤脚擠甬道中或秋陽暴

烈或風雨驟至無可趨避乃躬設蓬廠以庇之并製

瓊衣數百件以餽衣單者至今赴選而來人人有廣

廈萬間之嘆方伯馬建育嬰堂聞士章好善名禮請

董攝一章先後捐給二千餘金不少吝惜曰聊以資

保赤之仁也至若施捨湯藥廣置義塚館生殯死戚

發中

以學火者數百家鄉里皆其行誼也

香洲季有高僧某能前知以爲世行頭地

張澹

字素菴十歲即以神童入泮長益力學從學于湖南葛貢亮之門著有四書偶見讀史鈔卷養蠶母

備極孝敬性尤好義值明末歲饑主賑里十舍活無筭遇有奇烈苦節者不憚表彰曰吾痛旱孤淡悉茶苦其他深難解紛每爲問里推服一時有彥方太丘之目年十有九連舉鄉賓提學劉元琬請于巡撫田逢吉檄知府稽宗孟給扁旌以儒行可風有西子皆游庠世燾尤知名早天其婦周苦節孝與撫孤瑛亦垂髻入學一堂四世皆以高行著稱

吳維楨

字左廷幼隨父名益授經名溢名噪復社維楨以牛角從遭歲荒輟業年十六事居積奉養二親垂白同孺慕年六十餘遭母喪哀毀骨立當親在與弟嘉枚同室居女兄貧迎養於家終其身楨性伉

錢塘縣誌

卷之三十五

人物者善

主

直不屑屑與人寒溫及人有患難緩急輒推解排救不少靳事口無德色尤篤族誼方閩逆煽亂民間被俘子女捐工金倡贖事聞制府李公之芳深獎異焉以子炳官封國子監學正壽終八十有六父母兄弟俱登大壺內外曾元幾及百人卒之年作自述二篇誠子孫畧云心靜神清利欲不沾于中聲色不滯于外便是養生之道又云言爲心聲心細則言不妄又云持情必平處物必恕恩欲人知便有假恩德欲人報便是薄德觀斯言也殆亦聞道者歟

錢震彪

字文蔚居近甘泉巷嘗捐資市米令僧爲粥以食縲絏之施薦席寢予巾扇數十年不倦又嘗

佐贖難民助學保赤堂一時競有高義之日每念惜字爲善最鉅燭者之用廢書裹心懸繫殊甚因廣爲勸禁次子登峰應冬卯鄉薦已未復授南宮孫經紳亦中已卯舉人宰富順多善政人以爲惜字之報張維仁爲人孝義年九十有五子齋章爲郡諸生力行善事稍有過必禱神以自改悔早年多病無子

至五十餘始舉二子蓋同胞產因名周達周适皆有聲膠序齊章年至九十有二父子皆耄耄無疾而終

周德澍字應望郡諸生修髯廣頰鄉黨中或以是非告者澍排難解紛無不各當其意而去家貧築室楓林鍵戶讀書四方問字者戶常履滿徵士吳農祥稱其品行醇粹有古長者風壽八十一歲而卒妻奚氏有婦德白首相莊卒年七十九子家桂力學早世婦張氏矢志守貞督學彭始博旌其門日夜月機聲人咸以為長厚之報云

黃天賜字沛霖少工舉子業為人恂恂雅飭喜怒不形處兄弟友愛無幾微相失有適楊姊遇隣火時方娠天賜從烈焰中負之至家絕無怨色一破杭城俗忌幼孤遵母命長齋以至壽終閭里推為長者云

錢振宗字君美性喜推解戚友中有困乏者傾囊周給至再至三不稍吝每歲田租鄉人貧不能償者悉免之居鄉里間為人排難解紛不遺餘力或有非禮相干輒改容遜謝人咸服其雅量云

錢塘縣誌

卷之三十五

人物者善

四

王國祥字熊生有至性年十五伯兄歿長夕痛悼又一年遭父喪擗踊哀號毀幾滅性喪葬祭奠必慎必誠奉 孀母事寡嫂愛敬備至後皆以壽終姊氏妻處有年布帛菽粟每歲畢給復以女妻孤甥俾無失所厥弟三人豐之以衣食厚之以婚娶誨之以入膠庠伯兄遺一女撫而嫁之奩資踰於已出教育從子多成學業宗族親串凡有緩急罔弗傾囊濟焉家故素封後稍稍中落然處之恬如利濟之心未嘗偶懈也享年七十有六無疾而卒子二人長蔭華邑諸生為兄國禎後餘子若孫皆以儒學世其家

章士旭字念修為人醇厚人以急難相聞雖在行路必引手按其婦翁張仲嘉立悲智社以濟焚燬士旭益推而廣之又嘗買地以墓無後者建育嬰堂於吳山下倩人抱道路棄兒僱乳媪乳之每月朔必躬詣其所召媪抱兒以次視之衣服備給時其寒煖燥濕疾病醫藥之費不少解及長人願者具領狀與之行之四十年如一日後布政使馬如龍別建保赤堂於武林驛下有司取育嬰法行之仍請士旭董其

事士迴辭以老然猶期望往視任以私財於是方伯表其堂曰樂善不倦邑令遲題博濟遺風以贈之卒年七

十八

洪超

字玉宋性最孝事繼父與本生父俱能曲承親志內外無間言他如推住宅以與人置祀田以贍後

一以敦睦本支為念大學士黃文僖公超舅氏也文僖嘗鬻產超應受居間金三百超不取益之產價中又鄉達某被臺臣糾以金勾超轉自超直辭以文僖力言無罪勾者喜即以金贈超超怒而返之其生平介節類如此性敏給博通經籍注周易通鑑諸書各得領要而獨淡於仕進居鄉雖方正自持仍與物無忤故人咸樂依之年七十餘卒子潢讀書孝友饒有父風姪雲來龍岩縣丞性清介

張所涵

樂善性成平居好施藥餌濟人疾苦常捐田五十畝給育嬰堂為保赤之需閭里傳頌

金應登

字涵所性孝友喜讀書後廢舉業涉獵世務為人慷慨有豪俠風凡急難告貸傾囊應之無倦

錢塘縣誌

卷之二十五

人物者善

五

意暮年精神益矍鑠每朔望必策杖至先塋拜掃風雨不辭教子孫以孝行為先有積負不償者悉焚其券年七十有九卒子三人長元鼎值三藩之變以軍功知建寧府甌寧縣孫六人長科登丁酉順天賢書論曰自唐虞三代有養老之典於是耆老有君子庶

人之分君子者以其位庶人者以其齒然非徒尚齒

與位也皆以崇德也是故五帝憲三王有乞言皆尊

之於辟雍授之以几杖羞之以珍饌謹之以祝嘏祝

噲禮樂備矣然後記之以惇史其巡守則問百年者

而就見之蓋如其敬以重也秦漢而下其事盡廢

然猶令有司歲時存問月賜羊酒之制豈非天壽平

格自非吉人莫享上壽歟雖然山臞野史不識不知
之人而或至期頤壺內賢媛以無聞無見而或臻耄
耄彼皆以無累爲心而適全其天以爲人瑞則可矣
不必其厚德也若夫仁心爲質而醇謹自持義施獨
急而樂善不倦如保育嬰孩回贖難婦皆行之數十
年以終其身者視宋之蔣崇仁兄弟何如也蔣氏皆
布衣賜爵列侯廟祀至今况如前所云者實有其人
可不亟稱之以勸夫後之爲善者乎